



Broj: 06-14-21346-16/17
Datum: 04.07.2017. godine

Na osnovu čl. 64. stav 1. tačka b), 70. st. 1, 3. i 6. Zakona o javnim nabavkama BiH („Službeni glasnik BiH“, broj 39/14), članova 2. 5. i 6. Pravilnika o direktnom sporazumu Agencije za javne nabavke („Službeni glasnik BiH“, broj 90/14), članova 2., 6. i 7. Pravilnika o direktnom sporazumu Ministarstva za boračka pitanja Kantona Sarajevo broj: 06-02-31279/14 od 29.12.2014. godine u postupku javne nabavke za ponovni nastavak pružanja dodatnih usluga montiranja i servisiranja WC kabina za pripadnike boračke populacije putem direktnog sporazuma, Ministar za boračka pitanja Kantona Sarajevo donosi,

O D L U K U

o izboru ponuđača za ponovni nastavak pružanja dodatnih usluga montiranja i servisiranja WC kabina - direktni sporazum -

Član 1.

Prihvata se ponuda ponuđača Eko mobil group d.o.o. Sarajevo od 04.07.2017. godine za ponovni nastavak pružanja dodatnih usluga montiranja i servisiranja WC kabina u svrhu osiguranja minimalnih higijenskih potreba pripadnika boračke populacije, za ponuđenu cijenu od 400,00,00 KM bez PDV-a, odnosno 468,00 KM sa PDV-om.

Član 2.

Za izvršenje ove Odluke zadužuje se i ovlašćuje Komisija za javne nabavke imenovana od strane Ministra za boračka pitanja Kantona Sarajevo, Odlukom broj: 06-14-1989/17 od 24.01.2017. godine.

Član 3.

Ova Odluka objavit će se na web-stranici Ministarstva www.mbp.ks.gov.ba, istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama Bosne i Hercegovine.

Član 4.

Ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama Bosne i Hercegovine.

O b r a z l o ž e n j e

Planom javnih nabavki za 2017. godinu broj 06-14-1886-1/17 od 24.01.2017. godine planirana su sredstva za usluge tehničke podrške koje će se realizirati u skladu sa Zakonom o javnim nabavkama BiH („Službeni glasnik BiH“, broj 39/14) putem direktnog sporazuma.

Planirana procijenjena vrijednost ukupnih nabavki ove vrste – usluge tehničke podrške za 2017. godinu je 6.000,00 KM.

Naime, u prethodnom periodu Odlukom ministra broj: 06-14-21346/17 od 14.06.2017. godine pokrenut je postupak pružanja usluga montiranja i servisiranja WC kabina u svrhu pomoći pripadnicima boračke populacije, te Odluka o prihvatanju ponude ponuđača Eko mobil group d.o.o. Sarajevo.





Ukupna utrošena sredstva po provedenom postupku direktnog sporazuma su iznosila 400,00 KM bez PDV-a, odnosno 468,00 KM sa PDV-om.

Kako se ukazala potreba za dodatnim uslugama ove vrste usluge, te kako je ponudu za navedenu nabavku ponovo dostavio ponuđač Eko mobil group d.o.o. Sarajevo po cijeni od 760,00 KM bez PDV-a, odnosno 889,21 KM sa PDV-om, za period 24.06.-30.06.2017. godine ista je ocjenjena kao prihvatljiva iz razloga što je navedeni ponuđač pružio i prvobitnu usluga, a radi se o hitnoj i specifičnoj usluzi koju mali broj ponuđača može pružiti.

Istekom roka za pružanja gore navedenih dodatnih usluga utvrđeno je da i dalje postoji potreba za nastavkom pružanja ove vrste usluge pripadnicima boračke populacije iz razloga osiguranja minimalnih higijenskih potreba te kako je ponudu za navedenu nabavku ponovo dostavio ponuđač Eko mobil group d.o.o. Sarajevo po cijeni od 250,00 KM bez PDV-a, odnosno 292,50 KM sa PDV-om, za period 30.06.-03.07.2017. godine ista je ocjenjena kao prihvatljiva iz razloga što je navedeni ponuđač pružio i prvobitne usluge, te bi izmjena ponuđača zahtjevala demontiranje već postavljenih kabina i prouzrokovala veće troškove, a radi se o hitnoj i specifičnoj usluzi koju mali broj ponuđača može pružiti.

Nakon izvršenih usluga ponuđača Eko mobil group d.o.o. Sarajevo, ministar je naložio ponovni nastavak pružanja ovog vida usluga pripadnicima boračke populacije iz razloga što potreba za istim još nije okončana.

Postupak javne nabavke za ponovni nastavak pružanja dodatnih usluga montiranja i servisiranja WC kabina u svrhu pomoći boračkoj populaciji pokrenut je Odlukom o pokretanju postupka javne nabavke broj: 06-14-21346-13/17 od 04.07.2017. godine.

JRJN: 71336000-2 Usluge tehničke podrške

Procijenjena vrijednost javne nabavke iznosi 400,00 KM.
Javna nabavka je provedena putem direktnog sporazuma.

Ponuda je ponovo dostavljena od strane ponuđača Eko mobil group d.o.o. Sarajevo po cijeni od 400,00 KM bez PDV-a, odnosno 468,00 KM sa PDV-om za period od 04.07.- 11.07.2017.godine koja je prihvaćena.

Napominjemo da se radi o vrlo specifičnoj usluzi i da ukupan period za koju je ovu uslugu potrebno pružiti ugovorni organ nije mogao unaprijed predvidjeti, te je postupak direktnog sporazuma pokretan i izvršavan u više navrata.

Iz navedenih razloga, primjenom člana 64. stav 1. tačka b) Zakona o javnim nabavkama, te članova 6. i 7. Pravilnika o direktnom sporazumu Ministarstva za boračka pitanja Kantona Sarajevo broj 06-02-31279/14 od 29.12.2014. godine, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se podnosi Ministarstvu za boračka pitanja Kantona Sarajevo, kao ugovornom organu pismeno u 3 (tri) primjerka.

Dostaviti:

Eko mobil group d.o.o. Sarajevo
- a/a.

